



5 6 7 8 9 10 11 12 13 14 15 16 17 18 19 20 21 22 23 24 25 26 27 28 29 30





選擇傳弘決疑鈔卷第三

寶玲文庫

春翠文庫

沙門良忠述

寶玲

1305686

第四三輩念佛往生篇

問見所引文三輩一一皆有余行故要集中念佛諸行兩門同引此文如何偏云念佛往生若是就觀念法門云佛皆勸專念佛名之文准云念佛下問答述三義要集意當謗正義耳問猶以不明皆勸專念之釋文者非廢餘行而偏念佛云皆勸也念佛行且上中下輩可云皆勸何云依此文廢菩提心等餘行乎答經文既云一向專念一向之言不兼餘故推之皆勸通不兼餘行義也故引而為證矣問縱雖不廢餘

此等行中念佛最要爲標要行可說一向非必廢餘
如何答名號付屬文云一向專稱是對定散言一向
故廢餘行義文相分明何經與釋一向之言有相違
義

佛告阿難等事

佛告等者若准餘篇應云無量壽經下云無者略也
故建曆二年開板置本有此言矣欲於今世見無量
壽佛者聞淨土行者期於往生何云今世見佛發菩提心耶
答上文既云臨壽終時無量壽佛現其人前
下文結云欲於今世等知今世見佛者指臨終見

佛故淨影云是故已下結嘆修習無量壽佛化現
其身者聞觀經中輩不云化佛二經何相違答觀經
中輩亦應化佛以比丘像爲眷屬故故般舟讚讚中
品云終時化佛又法位大經疏云依觀經其上中六
品皆言弥陀佛自現不言真化然下品中不言佛迎
此中明化身來迎非是真身觀經既不言真化以此
文爲正已此人臨終夢見彼佛者聞佛有來迎願設
雖下輩現見彼佛答夢覺雖異俱見佛迎何違本願
所謂雖佛應願來迎機根劣故不能現見夢中見佛覺
已即生清淨覺經云其人壽命病故終時無量清淨

佛則令其人於卧睡夢中見無量壽佛國土。上大阿
彌陀經同之淨影云就往生中明於夢中夢見彼佛
亦得往生已問觀經下輩雖是惡機不言夢見今經
下輩發菩提心何不現見答實如開端夢見之後重
可見佛但今經為明三輩差別分別真化夢佛之異
攝機不盡先意可知矣

私問曰上輩文中等事

亦有菩提心等餘行者問下輩惟有菩提心行更無
餘善可云等耶答為顯下輩答有餘善或相從上二
輩也一為廢諸行等者就廢立義三輩文中三重

廢立先上輩又一向專念者即廢上捨家發心是一
重也次中輩文一向專念者是廢當輩菩提心齊戒
塔像等行是二重也後下輩文一向專念若廣當輩
菩提心即三重也若聞深法即是念佛信樂不疑是
第二心以至誠心即第一心願生其國是第三心乃
至一念方顯本願至極利益也或若聞深法者是舉
別機也上云乃至十念願生其國下云若聞深法乃
至一念願生其國即說二機文相分明故元曉師亦
爲二機義相雖異分文同問今看集文廢立等外
不立別機深法之機攝何機耶答此機不聞一向之

言故不可開發立等機今集且就一向之言立三義
故也。問言廢立者何對不堪機云一向專念何必餘
行劣於念佛答此宗元意對極惡最下之機說極善
最上念佛也故知餘行不化下輩者餘行劣於念佛
故也念佛一法化上中下者念佛勝於餘行故也難
熟之趣未知宗意乎。准云菩道觀經疏中者云字可
在中字下凡此集中有如是等文章恐是筆者誤耳
傳闡始依月輪殿仰被撰此集之時以真觀房為執
筆仁依不堪筆頻令固辭而上人云所請偏為驗其
要道不欲試華筆只記我所言云縉文不正即此故

也一向大乘寺等者普通廣釋中云安慧覲云天竺
國法一向大乘寺文殊爲上座一向小乘寺賓頭盧
爲上座大小兼行寺文殊與賓頭盧共以爲上座上
先雖說餘行等者問上輩一向下云修諸功德中輩
一向下廣舉多小修善等諸行何云先說餘行後云
一向答上輩出家三輩菩提心皆在一向之上今約
此文且云先說也設文在下一向之言准局念佛寧
不廢之間廢餘行者不生淨土故廢之歟答不然廢
立義者捨於劣行取勝行謂余行不順佛願故廢念佛
佛順佛願故立非餘行不生故廢也然或人以爲諸

行不往生故廢此義大背上人所判若言餘行不生者後之二義便爲虛妄執者會云後之二義練磨之義全非實說今云此末學強言三義俱不出大師所判云何是一非二乎信空聖覺等師皆面授口決門人也又智行兼備高僧也同稟承上人存餘行生義善導寺所傳全以符合誰謂新義耶先復所引文其義分明哉二爲助成念佛等者念佛一行以爲正業爲助此止業方修餘行也爲使知念佛是正業別置一向之言餘行是助業故不云一向也出家發心云何助念佛謂在家多緣務不遑念佛故卜居於山林

暗跡於煙霞閑以念佛是出家之助念佛也云何這像發心助念佛謂在家雜置塵多闕數遍若詣道場拜本尊者有便念佛是起立塔像之助念佛也若不發心者不悲自他受苦故倦念佛若發兼濟心者念佛熾盛也是菩提心之助念佛也但大師立同類助業即觀察弥陀等惠心立異類助業即方處供具等今三輩餘行當異類助業也五種助行者讚歎供養開爲二行意也先就上輩等者應云次異類助業者先就上輩等故或本有此牒文也三約念佛諸行等者明傍正義所化衆生性習不同執法各異是故如

來隨其性欲廣說諸行及以念佛其中念佛爲經正意故云一向自餘諸行非經正意是故不置一向之言也祖師大經釋云修往生業有三意一但念佛二助念佛三但諸行也已上口傳云復有一義佛備一音異辭之德故一向之聽隨機不同故維摩云佛以一音演說法衆生隨類各得解云若餘行機各限已業聞一向音然結集者約佛本意專念之上置一向言實通諸行故無機教相違之過上來四義中前之二義各約一機謂第一約唯正定機第二約助正兼行機第三第四通約二機謂念佛諸行其機別故殿最下

者漢書音義云上功曰殿下功曰最若依善導以初為正者大師廣判三福各生是傍正義又就念佛行者勸善提心齊戒等是助正義雖然弥陀本願釋尊教意諸佛證誠正勸念佛故和尚深探經元意且廢餘行偏勸念佛是故廢立為正也觀經九品與壽經三輩開合異者問寂公大經述義記云此中上下輩攝彼上下各三品人義且可亦以此中輩攝彼中三理定不然此經說中輩發菩提心生彼國時便住不退轉彼經中輩三不云發菩提心生彼國時唯證小果已上靈芝觀經義疏云大本三品皆標發菩提心可

對今經上三品耳中下二品則非所對況彼因行與全別以壽經^七校之方知不尔今明上三品即彼善薩衆也中三品即彼聲聞衆也下三品即彼人民衆也三輩九品攝盡彼方聖凡之衆又復三輩各分高下如後具明此二師義大順經文如何會通答興師會云中輩之內自有多類二經各談其一無違上故鑄師遠師等皆判三九開合異也因論生論三輩與邊地胎生同異如何答略論中解二輩已云又有二種往生安樂不入三輩中謂以疑惑心修諸功德願生安樂不了佛智^{乃至}然猶信罪福修習善本願生

安樂國生安樂國七寶宮殿或百由旬或五百由旬等已元曉同之寂云彼受胎生者在何品中依舊兩本皆說在於中下品中至問觀經說下輩三生爲是胎生否答非也彼皆迎生佛前華中非生邊地宮殿中故云興師云今即疑佛五智中下下上二生所攝由^此帛謙後之二輩皆言在城於五百年不得見佛聞法見聖故若三輩若九品皆無寬校攝往生盡上又興云百由旬者即下輩疑佛所生之宮^五百由旬者即中輩疑智所生之宮^上問二義中何為正答傳云要集中引二師義不判邪正敢難定判也答曰此

有二義等者問或云上六品行生淨土者皆念佛力
若離念佛不得往生是故今集以二義釋念佛行通
九品之由此義如何昔此義不然先開合義中言故
知念佛亦可通九品者是約橫義非約堅文凡論行
因有堅有橫堅則觀經九品品品各說別行是也橫
則壽經三輩一行通於三輩是也其實二經各有橫
堅若橫若堅各逗機緣即所引要集文云然經所說
九品行業是示一端理實無量又下文云凡九品配
當是一往義五逆迴心通於上上等上此等之文皆
約橫意念佛諸行令通九品若言約堅義念佛通上

六品者發心亦可通下六品若云然者遇大遇小遇
惡定判豈不相亂莫以橫文破堅說相次廢立義中
九品之行唯在念佛者是約隨自之機若約隨他之
機一一諸善各通九品各得往生

第五念佛利益篇之下

吉利利益者通現後生得其利益與彌陀經多善根同
觀念門云現生父捨報決定有大功德利益禮讚云
皆當得生彼者約終約要耳

私聞曰準上三輩文等事

觀念淺深者問三輩念佛爲通觀稱若言通者壽經

之意皆明本願稱名之行徃徃歎之何限半文通勸觀稱是故此集上引觀經付佛名以同今經三輩念佛若言不通者今釋云隨觀念淺深分別九品故知三輩念佛亦通觀念答三輩念佛雖唯稱名而要集意言念佛者廣通觀稱故且云觀念也要集上文云尋常念相大分爲四一定業謂坐禪入定觀佛二散業謂行住坐卧散心念佛三有相業謂或蘿相好或念名號四無相業謂雖稱念佛欣求淨土而觀有土即畢竟空如幻如夢上次下文云問念佛之行於九品中是何品攝答若如說行理當上上隨其勝劣

應分九品已上所言念佛者是指上所舉四種念佛也今取口稱邊以為今要也言觀念淺深者言似局觀普包觀稱謂觀指或觀相好念指或念名號也然念淺深者安心及起行各有強弱故謂如寒流汗是上品念名之爲深其餘淺深隨應可知有云今言觀念者稱名之意業非是相好觀慧心亦以稱名有屬觀之意上念佛多少者問夫因果優劣者可由心淺深縱雖累念數志淺者可下縱雖少念佛志深者可上如何答形顯即影傾理數之常也心重故念亦多何足爲疑但由衆生根性各異非無心淺行多心深

行少重淨心造及恒所作則定業故而今由念多少而判其品位者約大旨耳

第六末法萬年特留念佛篇

問止住百歲其時難測何定末法萬年後耶答總導基帥俱約末法萬年之後興師偏依法住記約增劫人壽七萬歲之時感師具引二義不判是非群疑論第三云有釋經道滅盡依太悲經正法千年像法千年未法萬年万年之後經道滅盡特留此教更住百年此刀兵劫時人多造惡所執草木悉成刀劍互相殺害瞋毒熾盛人壽十歲身長二肘於此特中更不

修諸餘甚深戒定惠三學唯能念佛厭此娑婆三災五濁極苦惱亂處願生西方安樂世界故佛知此時衆生苦重能生厭離故以慈悲特留此經於諸經後止住百歲在刀兵劫利益有情又有釋言如尊者慶友說法住記言此佛法刀兵劫後人心厭惡咸起慈心不相殺害共相怜愍如父如子命漸增長至滿百年十六大阿羅漢三明六通具八解脫善閑三藏十二部經受佛付屬住持正法利益衆生不般涅槃并餘眷屬大阿羅漢萬餘徒衆還以如來三藏教法深行於世化導群生造寺度僧修戒定惠佛法熾盛至

增人壽六萬歲末十萬歲初諸阿羅漢總集如來所有舍利共造寶塔十六阿羅漢與諸眷屬達塔供養散諸香華瞻仰禮已俱昇虛空作如是言敬禮世尊釋迦如來應正等覺我受教勑護持正法及興天人作諸饒益法藏已沒有緣已周今辭滅度說是語已一時俱入無餘涅槃其舍利塔便陷入地至金輪際方乃停住其三藏教在舍利前先已滅沒經一百年唯此淨法與舍利塔及阿羅漢一時滅沒亦時世尊釋迦牟尼無上正法於此三千大千世界永滅不現從此無間佛佛土中有七萬俱胝獨覺一時出聖衆

復皆滅度次弥勒出現世間還為衆生說淨土教人無量衆得生淨土如是展轉賢劫千佛及後諸佛出興於世皆說淨法勸生西方乃至十方亦復如是其阿彌陀佛壽命無量阿僧祇劫未滅度來十方世界諸佛出現對彼阿彌陀佛有緣衆生皆說淨法勸生淨土故此經道滅盡特留此經百年當此時也問無量壽經說於未來世經道滅盡我以慈悲哀愍特留此經止住百歲然一切經教皆化物利益衆生讚誦受持咸減重罪乘聞正法皆得離苦何爲餘大乘經悉皆隱沒唯留此教矣止住百年答尺大聖世尊出

興於世一音說法各隨類解聞法悟道衆若塵沙或得四道果或獲無生法忍或離三惡道趣或生人天淨土或益及一時或遐沾遠代衆生宿有聞法善根蓬佛真教受持讀誦咸得利益衆生薄福感化緣絕所有聖教皆隱龍宮所有法衣不受染色布薩羯磨說戒受戒悉皆不成甚深大衆真如實相平等妙理非彼所知故先隱沒不行於世唯有念佛易學淺識凡愚猶能修習拔濟苦難利益弘深尚有此機堪行斯法大聖悲愍特望百年以此經文往知佛法漸滅衆生福薄唯茲淨教特益此時故以法驗時誠是當

根佛法故觀經數處皆言為未來世一切衆生說是教法請諸道俗尋此聖教驗彼當根無得信於人語不依佛語

上

私問曰經唯云等事

又釋此文略有四意等者問四重法滅有何證據答其證不可外求只是特留此經之文其證也行者思擇問思益經云劫燒時江河先滅大海後竭法滅時小教先滅大乘後滅已故知教淺先滅理深後滅若介於大乘中此經者即有相大乘不可勝於無相大乘何最後留者感師解釋如前已辨又興師云大涅槃

經廣顯佛性聖教中深遂聖人而先沒此經唯開淨土令人求生濟凡中之要故獨留百年機宜既異沒滅前後不可致恠所願皆得者即留之利益也法滅盡後聞尚獲利往生淨土況亦今聞者矣上又正就全宗而論濟凡教中此經為第一何為劣教一代教中種種法門無過此教念佛往生若有相教偏屬非真言秘教豈可劣經云小教先滅聖道次滅淨土後滅當知此經終窮極謬諸佛大悲於重苦者大悲本懷豈非此教故靈芝云准知一代弥陀教觀皆是圓頓一佛乘法更無餘途慈雲法師云一歷耳根

即下大乘成佛種子不聞不信豈非大失耶上問仁王經云吾滅度後八千年八百年八千年中無佛無法無僧無信男信女時此經三寶付屬諸國王上^王八千年者恐應末法一萬年後八千年也豈非最末特留此經答八千年者末法中末後八千年非指萬年外也故真諦疏云八十年者正法末後八十年八百年者像法後八百年八千年者末法萬年後八千年上既云末後八千年八百八千亦可末後爰知八十年是正法始衰八百年像法亦衰八千年末法將盡故知正像末中三寶衰微名為無也

第七光相唯攝念佛行者篇

問攝取何義答攝謂攝護取謂不捨故觀念佛門云攝護不捨又大經說此益云其有衆生遇斯光者三塲消滅身意柔軟歡喜踊躍善心生焉上禮讚云蒙光觸者心不退云又德大寺唯蓮房參籠雲居寺七日祈請攝取之義滿夜夢中本尊申手握手者腕動脣出聲示現云攝取是也然後詣蓮華谷聞夢之虛寶僧都面有感淚氣報云定是實夢云傳法院覺淵阿闍梨說法辭云攝取之義出秘法中所謂掌內握手而不捨是名攝取云蓮華谷感淚意在此歟

觀無量壽經云等事

一一相各有八萬四千相好等者要集云一一相七百五俱胝六百萬光明熾燃赫奕神德巍巍上問八萬四千光明爲常光爲神通光答常光也故第十二願云設我得佛光明有能限量下至不照百千億那由他諸佛國者不取正覺上既然是本願何云神通又同願成就文云無量壽佛威神光明最尊第一諸佛光明所不能及上若云神通者何佛不尔故知常光略記云常光一尋雖常非遍別緣遍照雖遍非常此佛光明即不如是經無量劫遍照十方上若有別緣

感應亦可有神通光如授記光等也。問所言念佛爲觀爲稱若言稱者所觀照益可被觀機何觀稱益若言觀者答中三義及所引文雖約稱名答行者如實觀光明時被佛光明唯攝稱名不益觀行故觀照攝稱名行者不觀照攝觀念行者問佛光遍照何隔觀行況佛觀者親想佛相好觀最近佛何云不攝答光之與名即是名義名義具足有不捨益是故唯益稱名一行所以知者佛光即義稱即是名彼佛本發此兩願故名義不離接取不捨彼佛不願光益觀行更有何義亦接觀機但觀近佛非是本願不接有在故

禮讚云唯有念佛蒙光攝當知本願最強觀念佛門及般舟讚亦復同之亦念佛有三緣如下問若言不攝觀者禮讚云如觀經云一一光明遍照十方世界念佛衆生攝取不捨今既觀經有如此不思議增上勝緣攝護行者何不相續稱觀禮念願往生也答文理如前但彼文者此釋助正兼行之旨非獨觀禮蒙光益也問上六品中有臨終光明照觸豈非攝益散善既尔况定機耶答彼記臨終佛光來照非是現生護念攝取不捨此乃不捨光益局在念佛別願益故不通餘行來迎光明是總化儀唯局迎時不通平

生開口備^十濟衆行等者意云諸行之人皆得往生然佛光明周遍十方何不攝餘行窓偏攝取念佛者若云照者何惜攝益平等慈悲似有偏頗答曰等者意云念佛行者由佛願故唯蒙光益信心不退^生業易成如來親近身意柔軟滅多劫罪魔不得領臨終正念往生決定有如此等種種利益皆因佛光現益是故今文明三緣義禮讚直云本願為強初親緣中口常稱佛等者明口稱行真足^{具足}三業口稱佛名即念佛行躋故先舉之稱名行者向西合掌即是身敬亦心念佛即是心念是故禮念佛非別行也群疑論云今時

念佛至心即意業善行也稱佛名號即語業善行也合掌禮拜即身業善行也由此三業善行能滅八十億劫重罪^{已上}此釋下品十聲稱佛身羸劣故不能禮敬心失念故不能觀察故知依勸繩唱名字三業相應今三業行亦復如是唯就口稱舉三業故言憶念者上三業行時時憶特常恒不失故云憶念佛非是觀念若屬觀念總違光益唯局稱名別違下文謂增上緣及引三經唯約稱名復違下結廣顯念佛三昧竟彼此三業不相捨離者彼謂弥陀此謂行者行者三業俱有弥陀佛惟有意業而言三業者相從衆生非

言佛具有三業謂佛知見衆生三業約此知見故佛親行者述記云瞿波論師云三業禮者欲顯大師有天眼故以衆生身業禮有^者大耳故以語業禮有他心故以意業禮^云但彼約禮此約念佛又彼知見已現三輪作利益事此遙加念施不捨益又近緣時非無見佛^云而今文意衆生憶念弥陀不絕如讀子思母^ア弥陀還念衆生不捨如魚母念子彼此親故是名不離^云法事讚亦釋親義云人能念佛佛還佛與今意同開諸佛慈念衆生善心譬如父母顧^ア衆子無有惡愛故準^云十八我觀衆生不觀老少中年貧窮時

節日月星宿工巧下賤童僕婢使唯觀衆生有善心者即便慈念已今何偏約念佛明還念相論親脰儀^シ荅修諸行者非無感應而不名親三業皆非弥陀事故彼心行則踈^シ弥陀行人踈佛佛亦不親若唱名號即就佛躋三業皆在阿彌陀故念念黨習故最親弥陀行者親佛佛亦還念何以諸行方同念佛況論本願更非比校何等善根竟其德乎法事讚云弘誓多門四十八偏標念佛最為親蓋此謂也次近緣者上親緣是彼此心同今近緣則一處來現信知彼佛縱在西方十方億刹行路雖遠彼此心同名之親緣千

返影向不離行者名之近緣。問言近緣者佛在目前。
念佛行者未必見佛何具近緣。答佛來機前以為本
意。但隨機宜見不見異今舉見機以釋近緣設雖不
見而佛必來若約冥邊不見猶近後增上緣者。不爲邪業之所
滅罪故。臨命終見聖時佛為增上緣。不爲邪業之所
障。必遂往生名增上緣。問增上緣中聖衆來迎與
上近緣見佛何別。答近緣見佛則是平生此中來迎
乃是臨終故不混亂。若約五緣言近緣者即護念見
佛二緣增上緣者滅罪攝生二緣三緣皆約凡夫。是
證生緣也。問稱佛名時除多劫罪何至迎候亦有邪

業答罪障蓋多不可頓滅故稱念時雖滅罪障而見
聖衆能除殘殃故稱讚經云若一日夜或二或三或
四或五或六或七繫念不亂是善男子善女人臨命
終時無量壽佛與其無數聲聞弟子菩薩衆俱前後
圍遶來住其前。慈悲加祐令心不亂既捨命已隨佛
衆會生無量壽極樂世界清淨佛土既云慈悲加
祐令心不亂明知聖現除其罪障令心不亂若言無
障其心何亂故珍海決定往生集云開滅業障已方
有佛來迎歟答不必。尔大悲芬陀利經云彼欲終時
我與無數衆圍遶而現其前彼見我已令於我所得

大歡喜除諸障礙命終已後得生我國意云往生業
障未盡之前佛先進來豈恃哉上悲華經云所有衆
生乃至臨終之時我當與大衆圍遙現其人前其人見
我即於我所得心歡喜以見我故離諸障礙即便捨
身來生我界利經同又今但云邪業不云外魔等
者文言略耳又靈芝疏云四解魔說或謂修西方淨
業臨終感相皆是魔者斯由未披教典不樂修持惠
以邪言障他正信爲害不淺故須辨之且魔有四種
一五蘊魔二煩惱魔三死魔四天魔上之三魔是汝
身心唯有天魔是外來耳安得不畏已魔但疑外魔

乎况魔居欲天乃是大權退惡進善有大功行方可
動之凡夫修道內心不正必遭魔擾若心真實魔無
能爲是知魔自歛心非他所致如是妄治媚惑於人
端心正色必不能近縱情顧盼定遭所感今引衆說
以絕群疑一云大光明中決無魔事猶如白晝奸盜
難成一云此土觀心變觀本陰多發魔事今觀弥陀
果德真實境界故無魔事一云念佛之人皆爲一切
諸佛之所護念既爲佛護安得有魔一云修淨業人
必發魔者佛須指破如般若楞嚴等佛若不指則誤
衆生隨於魔網今淨土諸經並不言魔即知此法無

魔明矣山陰慶文法師正信法門并之其詳今為
具被引問曰或人云臨終見佛菩薩放光持臺大藥
異香來迎往生並是魔事此說如何荅曰有依首楞
嚴經修習三昧或發動陰魔有依摩訶衍論修習三
昧或發動外境謂天魔也有依止觀論修習三昧或
發動時魅此等並是修禪定人約其自力先有魔種
被定擊發故現此事儻能明識各用對治即能陰遣
若作聖解皆被魔障上明此方入道則發魔事今約所修念佛三
昧乃憑佛力如近帝王無敢干犯蓋由阿彌陀佛有
大慈悲力大誓願力大智惠力大三昧力大威神力

大摧邪力大降魔力天眼遠見力天耳遙聞力他心
徹鑒力光明遍照攝取衆生力如有是等不可思議
功德之力豈不護持念佛之人至臨終時令無障礙
耶若不爲護持者則慈悲力何在若不除魔障者智
慧力三昧力威神力摧邪力降魔力復何在耶若不
能鑒察被魔爲障者天眼遠見力天耳遙聞力他心
徹鑒力復何在障經云阿彌陀佛相好光明遍照十
方世界念佛衆生攝取不捨若謂念佛臨終被魔障
者光明遍照攝取衆生力復何在耶況念佛人臨終
感相出自衆經皆是佛言何得貳爲魔境乎今為決

破邪疑當生正信已上又楞嚴云禪定心中見盧舍
耶跋天光臺十僧圍遶等此名心魂靈悟染心光
研明照諸世界暫得如是非為聖證資中疏云若修
念佛三昧斯境現前與修多羅合名為正相若修餘
親設見佛形亦不為正以心境不相應故況觀真如
不取諸相而有所著豈非魔耶資中棟判極為精當
仍具引前諸說永除疑障已問此三緣義為局念佛
否豈不前言三緣唯約念佛一行謂約稱名釋不捨
故本願念佛是稱名故諸佛證誠亦稱名故此經亦
專標名號故知此三經元意唯在稱念佛名今之三

緣何通餘行問三緣之義云何不通觀察等行謂心
想佛親義最強禮誦等行豈是疎耶觀亦近佛故經
云但當憶想念令心眼見又云常來至此行人之所豈
非近緣餘禮誦等豈是遠耶第四卷中通五正行明
親近義故今此集引今二緣以證五種正行親近故
答今三緣者依本願故唯局念佛不通觀等謂由本
願故有親緣義有親緣義故攝取不捨亦由本願故
有近緣義有近緣義故攝取不捨亦由本願故有增
上緣義有增上緣義故攝取不捨故三緣義不通觀
等若以觀等望雜行時亦有隨分親近之義所望不

同名得其名疏親近義即望雜行判其得失今此集
意親近名通一往引釋也自餘衆行等者此明念佛
與諸善即有光攝不攝異故校量二行勝劣懸隔問
十三定善上六品行定勝散劣理深事淺讀誦六念
大菩提心及戒行等諸佛所嘆何以此等妙行而云
全非比拔荅定雖疑心理雖深微大心大行雖勝律
儀孝道妙業雖貴望佛本願念佛獨秀故云非比是
故諸經等者自下引證言諸經者廣指淨土所依諸
經先引正例知諸經故云非一引大經中四十八
願中唯明專念名號得生者私謂本願果成不相離

故總指一經名四十八願本願生因唯稱名故此經
所詮專在名號所謂第十八願云至心信樂欲生我
國乃至十念願成就文云聞其名號信心歡喜乃至
一念三輩文云一向專念無量壽佛流通文云其有
得聞彼佛名號歡喜踊躍乃至一念當知此人為得
大利即是具足無上功德引小經中專念彌陀名號
得生者念佛之外又無餘行是故雖言專念名號不
別云唯引觀經中唯標專念名號得生者定善文云
念佛衆生攝取不捨散善文中下品三生品品皆有
專念名號歡持文云若念佛者是人中芬陀利華村

屬文云汝好持是語持是語者即是持無量壽佛名
如此釋尊處處嘆勸念佛一行懇懃鄭重餘行不尔
爲隨他機雖說往生無懇切勸佛意在在佛名號
以此義故簡去餘行則云唯也斯乃彼佛本願一向
念佛故也復有^之四十八願中唯明等者六八願又
雖有諸行來迎之言而非生因本願往生唯在念佛
以此義故簡去餘行持取念佛方云唯也觀經亦云
所謂雖說定散往生本願得生唯在念佛故簡持云
唯標名號故下釋云上來雖說定散兩門之益望佛
本願意在衆生一向專稱弥陀佛名已廣顯念佛三

昧者簡異觀佛分別兩三昧具如宗旨門及觀念佛
門彼佛心光者佛心所起光明故名心光論註稱智
慧光與今同也總不論照攝餘雜業者問四種正行
爲蒙攝益若言蒙攝既非本願何有攝益若言不攝
今文唯舉雜業不論四種故禮讚引攝取不捨文已
云何不相續稱觀禮念也答曰四種正行非本願故
更無攝益故處處釋唯限念佛但今文者且舉疎遠
不遠再論四種不攝文禮讚舉觀念等行約為助業
非別行時有攝益也

私問曰佛光明等事

不照餘行者者以無攝益而屬不照非遮色光遍照
十方故般舟讚云相好彌多八萬四一一光明照十
方不爲餘緣光普照唯覓念佛往生人上解有二義
者雖云二義非水火異念佛即是本願行故具三緣
義也

第八三心篇

將解三心即有其二一先解大意二以釋本文○解
大意亦二一摠明三心二別明三心初摠明者以不
偽心信佛本願方欲往生是云三心也若無欣求之
心雖知而不具若有欣求之心不學而自備若有衆

生本無三病不治自安聞說狀欣頸具三心此人即
是橫具三心也若有衆生有虛假障即障往生聞說
口者至誠心即除虛假障有疑心障亦障往生聞說
二者深心除狐疑障有不回向障亦障往生聞說三
者迴向發願心除不迴向障本不具三心之者俟一
二三之說始具三心此人即是堅具三心也有聞至
誠心具後二心等種種差不能廣盡學者思擇若橫
若堅具足三心行念佛者百千皆生萬無一失也問
經云若有衆生願生彼國者發三種心即便得往生
比此文意明願往生人可具三心也然此人薄俗諍

五欲事不暇欣求爭具三心出離無期識而斯由唯願慈表示其徑路。荅先師教云大乘修行法中雖明六念八念十隨念等而如予所存者唯在念死念佛之二念云依之若具欲狀欣心者常當於此二念係心不忌漸漸薰習狀欣蓋發是重病者之阿伽陀藥也納于心腑以勿聊爾矣先言念死者知論二十二云念死者有一種死一者自死二者他因緣死是二種死行者常念是身若他不殺必當自死如是有爲法中不應彈指項生信不死心是身一切時中皆有死不待老不應持是種種憂惱凶衰身生中心望安穩不

死是心癡人所生身中四大各各相害如人持毒蛇地水火風箇云何知人以爲安穩若出氣保當還入入息保出睡眠復得還覺是皆難必何以故是身內外多怨故如經說或有胎中死或有生時死或年壯時死或老至時死至是故行者不應於無常危晚命中而信望活如佛爲比丘說死想義有一比丘偏袒白佛我能修是死想佛言汝云何修比丘言我不望過七歲活佛言汝爲放逸修死想有比丘言我不望過七月活有比丘言七日有言六五四三二一日活佛言汝等皆是放逸修死想有言從且至食時有言一食項辟

言汝等亦是放逸修死想一比丘偏袒白佛我於山氣不望入氣於入氣不望出氣佛言真是修死想為不放逸比丘一切有爲法念念生滅住時甚少其猶如幻欺誑無智行者如是等種種因緣念死想已莊嚴論云若人臨終喘氣龐出喉舌乾燃不能下水言語不了視瞻不端筋脉斷絕刀風解形支節舒緩機關止廢不能動轉舉步酸痛如被針刺命盡終時見大黑闇如墮深岸獨遊曠野無有伴侶已當和一切事雖免死一事不道若常念必死之終者寧不起厭怖之心哉次言念佛者垂嚴云又放光明名見佛

彼光覺悟命終者念佛三昧必見佛命終之後生佛前已當知念佛壽終之者不見大黑闇又不至黃泉誘引聖衆直詣淨土故安樂集云此界衆生壽盡命終莫不皆乘善惡二業恒為伺命獄卒妄愛煩惱相與受生乃從無數劫來未能免離若能生信歸向淨土策意專精命欲終時阿彌陀佛與觀音聖衆光臺迎攝行者歡喜隨從合掌乘臺須臾即到無不快樂乃至成佛又復一切衆生造業不同有其三種謂上中下莫不皆詣閻羅取判若能信佛因緣願生淨土所修行業普皆迴向命欲終時佛自來迎不干死生

也已當念過去久遠已來流轉三界輪迴六道具受
一切身心大苦_{踰伽佛}莫不皆詣閻羅王所取其裁判然今
惡業如山積衆罪障如海深居緒早遷逼無常壽生
遠日日死近念念今生若不厭一期空過者再聞琰
王之呵責今幾迴之日月重受惡趣之苦果示知為
且為暮早厭火界速趣淨土也若能發起欲生之願
當知是人具足三心順次往生機熟至也問若依此
念力設雖具足前後二心而有疑心者何具深心答
余也今且就自然具三心之機而述大意也不遽重
障之機且關不同若疑心增之者常當念二種信相

之文也其文散在處處當集一處而置座右也次別
明三心中先至誠心者即質直心也此治虛假心虛
假心者諂曲枉他之心也若具此心者萬行徒施得
脫無期此則忌出離之心住名利之念所修行業併
為名聞利養而作不為往生極樂而行也若心能解
生死有失淨土有得一一所行悉為出離而行不為
名利而作是時三業四儀之上成就往生淨土之因
終焉之時預佛迎也大象閉窓之失瘦鴈昇天之得
進退之間將寄何哉若不厭而云厭琰王之責何為
若不欣而云欣聖衆之悲定增歟但衆生根性不同

始終虛實是異也若欲分別之得二種四句一始終虛實四句二多少虛實四句也初言始終四句者一始實終虛謂初發心時有徃生心後退善心住誑他心也只殖徃善非順次徃生也二始虛終實謂初住名利後生善心也是迴心徃生人也三始終俱實謂一發心已後無有退轉人也此人決定徃生亦人中芬陀利華也四始終俱虛謂初後虛假無佛法潤既無現益亦無當益可哀後生重歸三途矣次言多少四句者一多虛少實謂多詭心少直心也小湯入水之喻何足期徃益乎二多寶少虛謂雖發心而少分

虛假也當知失悔過自有出離歟三多少俱實謂四威儀不論久近有徃生心是最上之機也四多少俱虛謂假名佛法偏求名利也可謂佛法中旃陀羅也者莫生云皆般若者之類也次深心者即深信心也此治狐疑心狐疑心者於佛本願即發有耶無耶疑慮心不取決定之信也凡就信有忍許澄淨二義言澄淨者謂能令心澄淨故如水精珠能清濁水言忍許者謂於四諦三寶善惡業果等法能忍許不疑也若疑心者法水不留功德難成一切修道莫先於信故止觀云佛法如海唯信能入信爲道源功德母一切善法由之生上弘央云孔

止之言尚信爲首况佛法深理無信寧入故云兵
尚可去信不可去華嚴云信爲道元功德母等上智
~~度論~~云吞鉤之魚雖在池中在水不~~久~~行者亦尔信
深般若當知不~~久~~在生死中比餘法信心難具裁之
今就淨土分別信心有二種信一信我身謂無始來
罪惡有力沒弱已久善根無力不足出要深信是理
專歸他力二信佛願謂佛本願偏化此人寧泥自力
徒在火宅此日月輪可令墮落弥陀本誓不可改也
乖值此法蓋往彼土也此有二種四句一始終信疑
二多少信疑也初言始終四句者一始信終疑謂初

發心時信佛本願後退信心生疑惑心也只殖宿善
非順次往生也二始疑終信謂初懷狐疑後生信心
也是迴心往生人也三始終俱信謂一發心已後無
有退轉人也此人決定往生亦人中芬陀利華也四
始終俱疑謂一期無信無佛法潤既無現益亦無當
益可憐後生重歸三途矣次言多少四句者一多疑
少信謂多狐疑少信心也二多信少疑謂多信心少
狐疑也若悔疑取信亦有出離數三多少俱信謂四
威儀不論久近有信佛心是最上之機也四多少俱
疑謂未了佛之本願常懷猶預無一分信也可謂審

山中無_人也後迴向發願心者迴一切善根願生淨土之心也問論開為二門經合無一心有何意耶答法門開合隨宜不定趣求同故經合為一直狹異故論開為三故要集釋二門云誓期所求名之為願迴所作業趣向於彼謂之迴向上又迴向發願心治不迴向心不迴向心者或所牽妄愛迷心染著生死或被教別解異學期現身證或願餘淨土不樂西方故名不迴向心也此亦有二種四句一始終迴不迴四句二多少迴不迴四句也初言始終四句者一始迴終不迴二始不迴終迴三始終俱迴四始終俱不

回也次多少四句者一多迴少不迴二多不迴少迴三多少俱迴四多少俱不迴也例前二心應知觀無量壽經云若有衆生等事

二釋本文亦二○解疏三心口釋禮讚三心上解疏三心中二先釋次結釋中有三即至誠等也第一至誠心文中_{有六}一經云一者至誠心者先牒經文二考全者真誠者實者即釋字訓_教三欲明下至心中作約勸門釋真實心四不得下至亦皆真實約誠門釋虛假心五又真實下至皆須真實廣約十重牒欣解至誠心六故名至誠心者結也二辨字訓中至者真

華者問真實心分齊如何答先師云住往生思起行
不飾名真實心也有人云至誠者強盛心也即發一
念真實之心名真實心也蓮華谷照元院
可驗其心然淨土機不堪聖道怯弱下機只局渥分
窮其心故名真實心彼強盛義有嫌機咎不破甘心
勝頤私云後義叶本文所明先師傳彼強盛義若被上機如龍
得水故有巨益若對下機似踏虎尾還生怯退問或
云難以正直名至誠心此義不足謂同夫人身心徹
到狀穢欣淨名至誠心所以無爲之境不可輕亦即
階乎此義如何答唯局已分極不諂心即具誠心也

機分定散心有強弱勝劣淺深千差萬別也何必一
同夫人心乎總而言之聖道機勝淨土機劣別而言
之定機是強散機弱於散機中猶有九品九品差異
亦是一往其實無量其一一機所具誠心何無差別
慮若淺若深若勸若怠皆有遠慮何有近憂也不令他
疑悔是既如來誠乎三約勸門釋真實心中欲明者
釋迦說至誠心者於三業起行中必可用真實安心
也言解行者辭教曰解正行曰行行通三業解局意
業謂先由經教解三業行然後修行三業善也四約
誠門釋虛限心中四一不得下至內懷虛假正誠虛

假言誠外相現賢善精進內心懷愚惡懈怠也二貧
瞋下至不名真實業也釋虛假之由何故起虛假心
由貪瞋邪偽之心慚求名利故現虛假相也大象出
窓為一尾所舉行人出家為名利所縛當知徃生之
大怨無先於名利也言難侵者侵主云觴也上即斷
義蛇蝎者心曲譬蛇害物譬蝎蝎玉云胡葛切桑蠹
蟲廣韻云蝎桑蠹上雖起三業者問上云升現內懷
者身口似善意業實惡也今云起三業豈不相違答
先師云所言三業非實善業心貪名利奸飾外相令
他表知有三業善也安心闕故名雜毒善其實非善
云或雖起三業者身口業行及能等起思且名三業
雖起三業闕善心故不成徃業意樂惡故名為雜毒
例如古迹引瑜伽論利益殺生文云菩薩若見欲作
重罪發心思惟我若斷彼惡衆生命當墮地獄如其
不斷彼罪業成當受大苦我寧殺彼墮那落迦終不
念其受無間苦如是於彼或以善心或以無記心知
此事已為當來故深生慚愧以憐愍心而斷彼命由
此因緣於菩薩戒無所違犯生多功德上同宗安云問既生
功德何名性罪答意樂雖善方便惡故上今之三業

翻之可知外儀雖善意樂惡故名爲雜毒非真實善

此例相叶先師所傳又三業者起行三業也以^{上文}

云身口意業所修解行下文亦云真實心中意業行

等故也又禮讚云凡起三業必須真實全與今同付

此起行以釋安心虛假相^{有云先師宜亦此義}又蓮華谷云因

等起心是虛假故非徃生因刹那善心與業隨轉名

三業善^云意云安心虛假之人外行身口二業之時

暫時發善心意業雖具安心僻越故即歸本心不成

徃業也問誰以虛假不實心即屬雜毒之善此義不

明文舉貪嗔嫌急先行故知即以自力雜行名雜毒

善以歸他力名真實心也何況正引弥陀因行而屬
真實何約凡夫心論真不真相也答名利是出離之
障虛假是入道之怨也佛為除之教至誠心安樂集
云一切衆生皆由多虛少實無一正念以是因緣地
獄者多解脫者少譬如有^人於自父母及以師僧外
現孝順內懷不孝外現精進內懷不實如是惡人報
雖未至前途不遠無有正念不得解脫^已今文全同
集意末學豈存異義上文既以內外不調即名虛假
下釋何約自他二力以解^也真實但舉貪瞋依具貪嗔
起虛假心故也非謂一切貪嗔煩惱皆起虛假心也

如彼調達由貪瞋故造作五逆非謂一切凡夫具貪嗔故皆造五逆也故知凡夫雖具貪嗔若實欲生皆具誠心也歷緣對境之貪嗔誰具惑之人不起水火二河之孽喻何修趣之者不進也又言急走是縱許詞更非寶義又諸凡夫名利如江海狀欣似渝露若欣現世人必勇猛若欣後世人必懈怠如何偏虛假之者不作苦勵身心之行次引因行為勵行者謂佛因真實果不汚曲故願生者必須真實但菩薩真實強因行果德圓滿聖心堅固故行者真實弱凡心羸劣故自力不及故強弱雖異真實相順信知佛願強

故以攝行者弱心令生淨土也譬如天上日火性是強地下水精火性是弱雖有強弱同火性故以珠對日火即出生佛與衆生強弱雖異真實可類問知度論中以六度菩薩煩惱所具之華名雜毒雜毒名同其躰豈別否虛假雜毒其義含容集中既言多虛少實不可外求證今文同言外現內懷何勞諍諍同異如彼解釋論鈔解真如門以微細想念皆屬虛假故知虛假之言各隨義門其躰有別也九品義云依維摩經名之直心彼經文云直心是菩薩淨土上首楞嚴經云我教比丘直心道場於四威儀一切行中尚無

虛假因地不_真直果招汗曲_真若諸比丘心如直絃一切
真實入_真三摩提永無魔事_真釋云十方如來同一道
故_真出離生死皆以直心心言直故如是乃至終始地
位中間永無諸委曲相已_真弘決四云能修四安樂行
一生得入六根極太遲者不出三生若爲名聞利養
即累劫不得已_真寶鑰云上下讀文不慎其行貴_真如
是心行悉非謠曰擎孝經打母頭蓋斯之謂也上此
是皆誠虛假之文也如是等例廣多無量難具引之
三若作下至必不可也明虛假人雖勵行業而往生
不可何故往生不可即由不相應彼佛願故也四何

以故下正明往生不可所由謂弥陀佛因中一時一
剎那頃無不真實以真實心所成淨土以不真實生
其國者無有是處施為趣求者下化衆生名為施為
上求菩薩_提名為趣求泛論本願以十二十三十七及
三十一三十二之五願名為趣求以自餘四十三願
名爲施為云五廣約十重狀欣辭至誠心中真實有
二種者文中雖標二種真實唯釋自利真實令知利
他釋自利中有其十重初之二重總明就上惡修善
須真實心言想同者具縛行人制惡雖不及菩薩制
惡而起意樂想同彼類既云想同豈是全同見賢思

齊雖愚是賢如弘決云若恣結使失今世後世善財妨於佛道設使心起不令口起設令口起不令身起設使身起不令作大罪凡夫此是得攝菩薩大人數中上聖道既尔何況淨土又十疑云縱使妻房不能頓斷漸漸生狀上三四二重別約口業厭欣以明真實五六二重別約身業明狀欣以明真實謂樹葉遮兩何求逕室糞掃防風何飭綺紈節量支命何不嗜滋味如彼空也僧賀等類七八二重別約意業厭欣以明真實或有三業共厭捨者或有唯棄業生厭離心如彼淨名居士等類又大隱隱朝市蓋此謂也九

十二重摠就三業止惡修善以明真實也不簡已下
摠結上意也內外明闇者內心外謂外相若用日月
燈燭光照名之為明翻此為闇若虛假人明外是賢
闇內是愚奸飾外見由曲內心若真實人內外明闇
無有差別唯傾菩提不傾名利也六故名至誠心者
結也



分類卷三

三才圖



